

Գրիգոր Կթղ. ԱղթԱՄԱՐԻ. — (1556-1612 ?) ըստ Յովսէփ գրչի կը կոչուի Փոքր Գրիգորիս. հայրը՝ Պարոն Աւզին, մայրը Դրիմ Խաթուն, եղբայրները՝ Պարոն Խէտէն, Սմբատ, Զաքարիա եպս. և Պարոն Իսքընտար. քոյրը Մարգարիտ Խաթուն: Նոյն գրչի յիշատակարանին համաձայն, Գրիգորիս կթղ. ուխտաւորութեամբ կ'աչցելէ Ս. Յակոբի վանքը, 1602էն յառաջ. ըստ այս յիշատակարանի. « . . . եւ յետոյ գնաց յերուսաղէմ երկու տասն արամբք վարդապետօք և կրօնաւորօք. զի միայն եղբայրն էր ի հետն, աղգական Պարոն Խէտէն և այլ բազում ազքատ կերակրէր ի ճանապարհին . . . » « . . . եւ յետոյ դարձաւ յերուսաղէմայ և բերեալ ընծայ սուրբ խաչին զարբաֆ շուրջառ մի հանդերձիւ» և այլն. (Հա. 1920. էջ 22-23):

Գրիգոր Կթղ. ՊԱՀԼԱԻՈՒՆԻ. — Գրիգոր կթղ. Վկայասէրի թողը. Ապիրատ Ծովքեցի իշխանին գուակը և երէց եղբայր Ներսէս Ծնորհայի. կը վարէ Ամենայն Հայոց կաթողիկոսութիւնը 1113-1166) նախ Ծովքի մէջ, յետոյ Հոտմկլայ. իր կեանքի և գործերու մասին դիմել Հայ. Եկեղց. Պատմութեան: 1141ին Անտիոքի մէջ ժողով մը կը գումարուի պապական նուիրակ Ոստիոյ կարգինալ Ալբերիկոսի նախադասութեամբ. դատելու համար Անտիոքի լատին պատրիարք Հռոտովփոսի արարքները: Յատուկ հրաւիրմամբ, սոյն ժողովին ներկայ կ'ըլլան Գրիգոր կթղ. Պահլաւունի և եղբայրը Ս. Ներսէս Ծնորհայի: Հռոտովփոս կը դատապարտուի. ժողովէն յետոյ Ալբերիկոս փափաք կը յայտնէ Գըրիգորիս Կթղ.ին միասին ուխտ կատարել Երուսաղէմ. Պահլաւունին թէ՛ իր ուխտը կատարելու և թէ՛ լատինաց հետ իր յարաբերութիւնները ամրապնդելու համար, կ'ընդունի նոյն առաջարկը ու 1142ի Զատիկին Երուսաղէմ կը գտնուի եւ կը նախագահէ հանդիսութեանց. կը մասնակցի Սիրոնի մէջ գումարուած ժողովին, ուր ատենաբանութեամբ մը կը պարզէ Հայ Եկեղեցւոյ հաւատալիքը և դաւանութիւնը. ընդհանուրին հաւանութեան և ակնածանքին կ'արժանանան կթղ.ին խօսքերը և լատինք սիրով կը վերաբերուին հանդէպ Հայ Եկեղեցւոյ և Ս. Յակոբի միաբանութեան: Մեր պատմիչներէն Սամուէլ Անեցի կը յիշէ Գրիգորիս կթղ.ին այս աչցելութիւնը. իսկ օտարներէն Տրւարցի Գուլիէյմոս հետեւեալ կերպով կ'արտայայտուի Գրիգորիսի մասին. «Մեծ հայրապետ Հայոց, գլուխ և պետ ամենայն եպիսկոպոսաց Կա-